

KHOMIŠINARE WA SARS O HLALOSA KA GA EKONOMI YEO E SEGO MOLAONG MOKETEKONG WA LETŠATŠI LA DITŠHABATŠHABA LA KHASTOM

PRETORIA, Labohlano 24 Janaware 2020 – Lehono Ba Ditirelo tša Motšhelo tša Afrika Borwa (SARS) ba swere moletlo wa go keteka Letšatši la Ditšhabatšhaba la Khastom, leo le ketekwago lefase ka bophara ka la 26 Janaware ngwaga ka ngwaga.

Lenyaga, tabataba, yeo e phethagaditšwego ke Mokgatlo wa Lefase wa Taolo ya Khastom / World Customs Organisation (WCO), ke “Customs fostering sustainability for People, Prosperity and the Planet / Khastom e tlametla thekgo ya tšwelelo ya Batho, Tšwetšopele le Planete”.

Ngwaga ka ngwaga, Letšatši la Ditšhabatšhaba la Khastom (ICD) le ketekwa ka la Janaware 26, leo e lego letšatši le Khansele ya Tirišano ya Khastom (CCC) e ilego ya swara morero wa yona wa pulo ka 1953. CCC e amogetše leina la tšhomišo la Mokgatlo wa Lefase wa Taolo ya Khastom (WCO) ka 1994. Ngwaga ka ngwaga, letšatši le le ketekwa go ya ka tabataba yeo e kgethilwego ke Khuduthamaga ya WCO gomme ya laetšwa go Maloko ka moka a 180 a WCO.

Khomišinare wa SARS, Edward Kieswetter, ge a be a fa polelo ya pele, o boletše ka fao tabataba e tlhamilwego ka gona ka ga maikarabelo ao Khastom e a swerego go šireletša setšhaba, ka go laolela kgwebišano le go thekga kgolo ya ekonomi le tšwetšopele, gape le go šireletša tikologo.

Go ya ka elemente ya pele ke gore go tšhireletša setšhaba, Khomišinare og boletše ka ga maitekelo a go bolela ka ga tshepetšo ya dithoto tšeo di sego molaong le batho go rapalala le mellwane ya rena (ekonomi yeo e sego molaong). O boletše gore o tlhamilegape Yuniti ya Ekonomi yeo e sego Molaong, yeo e tsepeletšego go ditiragalo tše bjale ka go kwefa ka motsoko, tlišogae yeo e sego molaong, dithoto tša ekišo, bjale le bjale, o šoma kgauswi le diagente tše dingwe tša kgwerano bjale ka NPA, gomme o šetše a thomile go bona katlego. Se se dirile palo ya nette ya R 2.6 billion ya metšhelo yeo e lefetšwego go tloga ka 1 Aprele 2019.

“Mola kgoboketšo ya letseno e lego bohlokwa go tebelelo ya ekonomi yeo e sego molaong, re pedifaditše maitekelo a rena a go fediša le go tloša ditšweletšwa tšeo di sego molaong gore di se sepetšwe, ka go senya ditshepetšo tša bao ba nyatšago melao le melawana ya rena.”

Go na le hlokego e bohlokwa ya go šomana le ditiragalo tšeo di sego molaong tšeo di thomilego ditiragalo tša go se dumelelege tša bomenetša. SARS, yeo e elego moswara tshedimošo ya sephiri, e hlatsetše koketšego ya ditiragalo tša bomenetša tšeo di amilego baofisiri ba yona, tšeo di akaretšago go ustwa ga tshedimošo e bohlokwa le di-laptops. Ntle le go ama ke ditiragalo tše tša bomenetša mekgwatšhomo ya rena ga se e hlaselwe gomme tshedimošo ya rena a sa dutše botse gape e sa šireletšegile.

- Polelo ya Khomišinare e ka fihlelelwa [mo](#).
- Bakeng sa tlhagišo yeo e tlhagišitšwego ka Letšatši la Ditšhabatšhaba la Khasom ka ga moletlo wa ekonomi yeo e sego molaong, kgotla mo, [kgotla mo](#).